

Ա. ՏԵՐՏԵՐՅԱՆ

Հայկական ՍՍՌ ԳԱ իսկական անդամ

ՇԻՐՎԱՆԶՈՒԵԼԻ ԼԵԶՈՒՆ ԵՎ ՈՃԸ

Հայ քննադատական գրականության մեջ խոսվել է ոչ
միայն Շիրվանզաղեի տիպերի լեզվի և ոճի, այլև հենց հեղի-
նակի լեզվական կուլտուրայի մասին։ Ընդհանուր առմամբ Շիր-
վանզաղեի լեզուն գնահատվել է իրբե «համեստ» մի լեզու կամ,
ինչպես ասել է արևմտահայ մի ուսումնասիրող՝ «պարկեշտ լեզու»։
Մեծ մասամբ Շիրվանզաղեն համեմատվել է Թաֆֆու հետ, և
վերջինիս լեզվի ճոխության հանդեպ դրվել է նրա լեզվական
«պարկեշտությունը»։ Բացի այդ՝ Շիրվանզաղեի լեզուն քննա-
դատվել է նաև քերականորեն։ Չատ հաճախ ռեցենզենաները
ցույց են տվել ոչ հայացի արտահայտություններ, օտարարա-
նություններ, սխալ ասույթներ։ Ի պատիվ Շիրվանզաղեի պետք
է ասնեք, որ նա չի համառել իր սխալների մեջ և ժամանակի
ընթացքում աշխատել է վերացնել իր քննադատների նշած սխալ-
ները, ուղղել իր լեզուն, ճոխացնել և քերականորեն դարձնել
աղգային։ Առհասարակ Շիրվանզաղեն շատ բան է պարտական
հայ քննադատությանը, թեև վերջինիս մասին նա միշտ խոսել
է քայահրանքով։ Երկու անգամ Շիրվանզաղեն խոստովանել է
իր լեզվական սխալները։ Նախ իր երկերի ժողովածուները կազ-
մելու ժամանակ, ապա Յուրի Վեսելովսկուն գրած նամակի մեջ։
Բայց այնուամենայնիվ պետք է խոստովանենք, որ Շիրվանզա-
ղեի լեզուն գրեթե չի ուսումնասիրված և չի ցույց տրված նրա
ռեալիստական ոճի բարձրարժեք նշանակությունը, որ իր ակ-
տակի մեջ ոչնչով ետ չի մնում Թաֆֆու ծաղկուն ռոմանաի-
կական ոճից։ Շիրվանզաղեի լեզուն պարզ է և համոզիչ։ Թե մեկ
և թե մյուս հատկությունը նա նվաճել է ժամանակի ընթաց-
քում և իր մեծ տաղանդի համար ձեռք բերել հավասարաթեք
լեզվական վարպետություն։ Մաքսիմ Գորկին հեղինակի լեզուն
փայտահատի կացնի հետ է համեմատել։ ով ուղղում է անտառ

գնալ փայտ կտրելու համար՝ պետք է կացինը սրեւ Բութ կացինը—տաղանդի տափակության նշան է։ Շիրվանզադեն տարիների ընթացքում սրել է իր կացինը և, վերջապես, դարձել սեալիստական լեզվի և ոճի ուսուցիչ։ Ոչ միայն հայացի քերականությունը, այլև լեզվի ճոխությունը, ոճի պատկերավորությունը, խսքի լիրիզմը նրան դարձնում են եայ բառ ու բանի խօշօր վարպետներից մեկը։ Վարպետ է նա իբրև լեզվի միջոցով պատկերացնող, այսինքն նրա վիպասանական և դրամատուրգիական վարպետության մեխն այն է, որ կարողանում է մի տիպական երեսույթ գրավիչ պատմել, ընթերցողին շահագրգռել դրանով և դա գամել նրա գլխի մեջ։ Այդ կերպ նա կարողանում է ստեղծել իր ձևավոր լեզուն, որի միջոցով ի վիճակի է դառնում մեր ազգային ստացվածքի մեջ եղած պոտենցիալ ուժը մերկացնել, ցույց տալ և գրածով ապրեցնել։ Ձևավոր լեզվի մասին Շիրվանզադեն խոսել է իր գրական մեթոդի առնչությամբ։ Ինեալիստ հեղինակին հետաքրքրողը ոչ թե կյանքի ճշտությունն է, այլ ճշմարտությունը։ «Իրականության մեջ ոչ մի հերոս չի խոսում իսկ և իսկ այն լեզվով, ինչպես հեղինակն է խոսեցնում իր հերոսներին»։ Ֆոտոգրաֆիական իրականությունն այլ է, արվեստը՝ այլ։ Դա ճիշտ է և դեմքերի ու դեպքերի, և, որ կարեորն է, լեզվի նկատմամբ։ Նույնիսկ իր հերոսներին բարբառով խոսեցնելիս, Շիրվանզադեն չի լուսանկարում բարբառը ճշտությամբ։ Գրող լինել նշանակում է ընտրող լինել։ Շիրվանզադեն ընտրում է դիպուկը, տիպականը թե անձի և թե նրա լեզվի մեջ։ Բայց այս կետում նա հեռու է այն միակողմանիությունից, որ ծաղրել է Դոստոյեվսկին։ Վերջինս ծաղրում է որոշ գրողների, որոնք իրենց հերոսներին խոսեցնում են լեզվական էսենցիաներով։ այսինքն, երբ վաճառական կամ զինվորական է, իրենց արհեստին հատուկ բառարան ունին։ Դա ստեղծում է լեզվի այն խայտաբղետությունը, որ ցանկալի չէ։ Վիպասանը, ճիշտ է, «ցիտատներ» է վերցնում իր հերոսների հատուկ լեզվից, բայց դրանք ենթարկում է իր մշակած գրական լեզվի ընդհանուր ոգուն։ Հանգուցյալ Ալեքսեյ Տոլստոյը առվետական երիտասարդ գրողների կոնֆերանսում (1938թ.) այն ճիշտ միտքն է արտահայտել, թե՝ որքան հեղինակը պարզ է անմասնում իր հերոսին աչքի առաջ, այնքան էլ ճիշտ և ճշմարիտ է առաջ նրա լեզուն։ Այդպես է ստեղծագործում և ժողովուրդը։ Փոլկորը—տեսնող և լիարյուն զգացող մարդկանց արվեստն է։ Իր «Նամուս» վեպի մեջ Շիրվանզադեն մեծ հմտությամբ օգտագոր-

ծել է ֆուլկորը, ուստի և նրա լեզուն այդտեղ շատ տպավորիչ է՝ և աղջու։ Հետևապես սխալ է այն ընդհանուր դարձած կարծիքը, թե առասարակ Շիրվանղաղեի լեզուն շառաջին վեպերում թույլ է (տես «Բանասեր», 1902, № 8—9, էջ 282)։ Շիրվանղաղեն իսկական վիպասանի հոչակ ձեռք բերեց իրավամբ «Նամուսով», իսկ վերջինիս լեզուն չի կարելի «թույլ» բնորոշել։ Ուզում ենք ասել, որ Շիրվանղաղեն հետագայում շատ մշակեց իր լեզուն, սակայն լավության նախադրյալներ ուներ «առաջին վեպերում»։ Որմնք էին այդ նախադրյալները։ Առաջինը՝ ուսալիս տական լեզուն, պարզ շարադրանքը, իրերը բնորոշելիս՝ էական հատկանիշն անմիջապես նկատելը։ Շփոթ ու վերամբարձ խոսքը հանձին Շիրվանղաղեի մտրակվել է ու ծաղրվել։ Նույնիսկ անտեղի կերպով գրաբար բառերի և արտահայտությունների խճողումը լեզվի մեջ նրա կողմից հակահարվածի է ենթարկվել։ «Արսեն Դիմաքսյան» վեպի մեջ դպրոցի տեսուչը իր խոսքի մեջ «որովհետև» ասելու փոխարեն «վասն զի» է ասում։ Շիրվանղաղեն վերջին բառը հեղնորեն չակերտների մեջ է առնում։ Փակագծի մեջ նկատենք, որ երբ ինքը Շիրվանղաղեն հայագետ գրաբար ձեռք դորձածել։ Շիրվանղաղեի լեզվի մյուս հատկանիշն այն է, որ արհեստականություն չունի, սիրուն խոսելու ջան ու ճիգ չի նկատվում նրա մոտ։ Նույնիսկ այն ժամանակ, երբ նա քերականական սխալներ էր անում, տուրք էր տալիս օտարաբանությանը, այդ ժամանակ, ասում ենք՝ նրա լեզուն ինքնատիպ էր, այսինքն նոր որակ էր բերում մեր գրական լեզվի կուլտուրայի մեջ։ Նոր իրեր, նոր մարդիկ, նոր տպավորություն կամ զգայնություն հանդես բերելով, նա կարողանում էր այդ նորությունը ապրել տալ լեզվի միջոցով։ Շիրվանղաղեն Յուրի Վեսելովսկուն գրած նամակի մեջ հետեյալ խոստովանությունն է արել. «Իրեւուսահպատակ,—գրում է նա,—ես, իհարկե, նախ դաստիարակվել եմ ուստի լժզվով և ոռւս գրականությամբ, ուստի և ասել թե՝ ես ոչինչ պարտական չեմ ուստականին, չեմ կարող։ Ամենից առաջ, ես արտասահմանյան գրականությունն ես կարդացել և ուսումնասիրել եմ ռուսերեն (ինչպես և Հռվի. Թումանյանը. Ա. Տ.), և միայն հետագայում սկսեցի Փրանսիացի և այլ գրողներին կարդալ Փրանսերեն լեզվով... շատ շնորհակալություն ուստի գրականությանը, որ ինձ համար միջնորդ է հանդիսացել ելքոպական գաղափարներին և ձեւերին ծանոթանալու համար։ Շնորհակալու-

թյուն ոռւս լեզվին, որ ինձ հնարավորություն է տվել ուսումնասիրելու Շեքսպիրին, Շիլերին, Դյոթեին, Բայրոնին, Վոլտերին և մյուսներին։ Զէ որ լեզուն, որով դաստիարակվում է մարդս, անխուսափելիորեն ազդում է նրա բնավորության և մտքի վրա, առանձնապես, եթե նա գրող է։ Կար ժամանակ, երբ ես մինչեւ անգամ մտածում էի ոռւսերեն, և միայն հետազայում ինձ հաջողվեց իմ երկերից հեռացնել ոռւսաբանությունները (տես Ю. Веселовский— „Русское влияние в современной армянской литературе“, стр. 39):

Ոռւս լեզվի ազդեցությունն ընդհանուր առումով բարերար է եղել Շիրվանզադեի համար. սա մշակել է նրա բնավորությունն ու մտածողությունը, նախադրյալներ ստեղծել օրիգինալության համար։ Սովորել է՝ իր սեփականը տալու նպատակով, սովորել է և, վերջապես, ի վիճակի է գարձել անսպասելի լեզվական գյուտեր անել, ռեալիտատական զգայնություն և տեսողություն մշակել իր ընթերցողի մեջ։ Մտքի և զդացմունքի այդ ռեալիզմը ստեղծել է Շիրվանզադեի լեզվի մեջ այն առանձնահատկությունը, որ նրա ուսումնասիրողներից մեկն անվանել է «կոճկված արձակ»։ Դա, տվյալ դեպքում, ոչ թե թերություն է, այլ առավելություն։ Ինչպես որ կոմպոզիցիայի իմաստով անկորսետ վեպը թերություն է, այնպես էլ լեզվի մեջ թափթփվածությունը, կոճակազերծ հագուստը—կրկնակի պակասություն է։ Այդ կոճկված արձակը նա սովորել է ժողովրդից, բարբառից, որ նա շատ հետաքրքրությամբ և մեծ ուշադրությամբ ուսումնասիրել է, ապա իր սեփական լեզուն դարձրել ճկուն և կենդանի, ինչպես ժողովրդական խոսվածքն է։ Որուսերենի, ժողովրդական բարբառի հետ միասին Շիրվանզադեն սկսել է ուսումնասիրել նաև գրաբարը. այսինքն, նա մեր գրական լեզվի մեջ մտնող բոլոր աարբերը յուրացը է ոչ թե երկրորդ ձեռքից, այլ սկզբնաղբյուրներից և հենց այդ է պատճառը, որ նա կյանքի վերջին տարիներում համարձակ կերպով էր գրական լեզուն բանեցնում և նույնիսկ երբեմն փորձում էր լեզվաշինարարության արվեստը, որից խուսափում էր առաջներում։ Շիրվանզադեի առաջին ոեցենզենտները իրենց գրախոսությունների մեջ անեկդոտային հայերենի նմուշներ էին բերում. օրինակ՝ «Կարլ Մարկիչը ներս մտավ իր սեփական անձնավորությունով», «Կատերինա Կարլովսան սկսեց ձանձրանալ նրա օգնություններով», «Կրտսարվեց իր սենյակը», «Պլխարկը հագավ», և այլն։ Առհասարակ լեզվի խնդիրը Շիրվան-

զաղեի ստեղծագործության մեջ ամենադժվար ընագավառն է եղել Լեզվի ուժեղ զգացմունքը ունենալով, նա հաճախ դժվարացել է այդ զգացմունքը դյուրությամբ ձեավորել, և ապրել է շատ մեծ չափով այն երևույթը, որը կոչվում է խոսքի տանջանք։ Ինքը Շիրվանղաղեն հետեյալ բնորոշ խոստովանությունն է արել ոգիտես, դժվար եմ զրում Ասենք ես միշտ էլ տանջանքով եմ զրել։ Կան մարդիկ, որոնք աղալիսու նման թեթև նստում են, գրիչը վերցնում ու սկսում հեշտությամբ գրել։ Գրելիս կարծես չեն էլ մտածում, գրիչը թղթի վրա սահում է առանց կանգ առնելու։ Այդպիսի մարդկանց իմ կյանքում հանդիպել եմ... Ես նրանց նախանձով էի նայում։ Ես պատկանում եմ այն գրողների շարքին, որոնք զրելու ընթացքում կրում են մեծ տառապանք» (տես Ս. Մելիքսեթյան. «Թատերական ակնարկներ», էջ 188)։

Գալով Շիրվանղաղեի լեզվական կուլտուրայի հարցին, պետք է ասենք, որ նրա ստեղծագործական քուրայի մեջ բարբառի, գրաբարի և եվրոպական լեզուների տարրերը սերտորեն իրար հետ միացել են և մի կուռ ամբողջություն են կազմել։ Ինարկե, երբ խնդիրը վերաբերում է նրա հերոսների ոճին, այդտեղ հեղինակը նպատակ ունի լեզվական պատկերացման միջոցով գաղափոր տալ իր տիպերի ներքինի մտսին։ Իսկ ինչ վերաբերում է իր անհատական լեզվին, ասենք, այն լեզվին, որ նա գործ է ածում մեմուարների մեջ, այստեղ ևս նա ազատ կերպով օգտվում է մեր գրական լեզվի երեք աղբյուրից, առանձնապես եվրոպական լեզուներից, և առատ չափով մեջ է բերում օտար բառեր և հազվագյուտ դեպքերում է թարգմանում։ Մի երկու անհաջող և անընդունելի թարգմանություն է տալիս՝ ավտոմոբիլ=ինքնաշարժ, տուրիստ=զբոսաշրջիկ։ Մինչդեռ Շիրվանղաղեն եվրոպական մի շարք բառեր է գործածում, որոնց ընդունված հայերենը ունինք. օրինակ. կոշմար, պանեզիրիստ, դիլետանտ, սպեկուլասիոն, դեկլամասիոն, աֆերիստ, էթիկա, դիլեմա, սֆերա, պերսպեկտիվ, էքստազ, առողիտորիա և այլն։ Գալով վեպական և դրամատիկական երկերի լեզվին, այստեղ ևս մերթ նա գնում է գրական տրադիցիայի հետեւյց, մերթ էլ ինքնուրույն մոտեցում է ցույց տալիս լեզվական արտահայտություններին։ Մի քանի նմուշ ըերենք. հականառություն ասելու փոխարեն գործ է ածում հակախոսություն, առետրական խանութ =վաճառականական խանութ, պարող=պարիչ, կանոնավոր=կանոնակազմ,

ում համար=ումի համար, ամուսին=կողակից, ձեռքը մեկնեց=կառկառեց, տաք օդը=տապացուցիչ օդը, խանդում էր=նախան-ձում էր, նենդ փաստաբան=դաղտագող փաստաբան, գնաց-քը=երկաթուղու դնացքը, թուղթ խաղալ=թղթախաղ խաղալ, գառնուկի մայուն=գառնուկի մլավոց, փոշոա օդ=փոշիալի օդ և այլն: Ինչպես տեսնում եք, այդ արտահայտությունների մեջ այս կամ այն չափով երեսում է մեր գրական լեզվի պատմության էտապները: Մի քանի արտահայտություններ գալիս են Նազարյանից, Պատկանյանից, Ռաֆֆուց: Դա ավելի է երեսում գրաբարի գործածության մեջ, Այսօրվա ընթերցողի համար երբեմն ծիծաղելի է այն դեպքերը, երբ Շիրվանզաղեն անտեղի կերպով տուրք է տալիս զրաբար խոնարհան և հոլովման ձևերին: Մի քանի օրինակ. լուսո դեմ, ի վերա այսր, մնացյալները, սրտի ընտրյալ, լուսո ներքո, նշանակյալ ժամին, վիրավորյալի շուրջը, երեսցավ Նատալիան, նկատելի է կացուցանում, վասն որո, վշտացյալ պատանին, արժանի պատժյալ, ամուսնացյալ կանայք, և այլն: Երբեմն վեհություն արտահայտելու համար Շիրվանզաղեն դարձյալ ստիպված է լինում դիմել զրաբարի օգնության, օրինակ. մեկի սրբություն սրբոցը, և այլն: Մեզ թվում է, որ բարբառի օգտագործումը Շիրվանզաղենի մոտ գեղարվեստորեն և լեզվական ճաշակի իմաստով ավելի հաջող է կատարված, քան դրաբարի կամ, նույնիսկ, օտար լեզուների կերպումը: Մի քանի օրինակներ բերենք: Ի՞նչ անձրե—ճիպոտ, ճիպոտ. բարին պահպանի, չարը—կալին-կապին ընկնի. էշիդ մվէ կաղ ասել. նա ի՞նչ հորս ցամս է. մեջներովը սև կատու անցավ. եթե շամբալութից յուղ դուրս կդա, ինձանից էլ խոսք դուրս կդա. ականջը լցրել են (բամբասանք). մահը ծիավոր է, ի՞նքը փիադա, և այլն: Շիրվանզաղենի մոտ բարբառը գործադրվում է մեծ մասամբ. գեղարվեստական նպատակով: Նա խուսափում է բարբառային նատուրալիզմից: Նատուրալիստների ձգտումը իրականությունը ճշտորեն նկարելու համար՝ տարածվում է նաև նրանց բանեցրած լեզվի վրա. լեզվի «ստույդ» վերաբաղրությունը հասցընէլ է այն բանին, որ նրանք բարբառի մեջ տվել են խոսակցական լեզվի ֆոնետիկական լուսանկարությունը, դրա առանձին պակասություններով, աղավաղումներով: Շիրվանզաղենի երկերում անխառն բարբառի գործածություն չկանորա հերոսները օգտվում են բարբառից, նույնիսկ ինտելիգենտներից ոմանք (օրինակ՝ Մսերյանը) սիրում են խոսքը կոնկ-

ըետացնել ժողովրդական բառ ու բանով, մանավանդ այն դեպքերում, երբ ուղում են սորտից խոսելու: Այսինքն Շիրվանզադեն իրավամբ բարբառն անց է կացրել, ինչպես ասում են, գրական լեզվի մաղի միջով: Հենց այդ միջոցով էլ ստեղծվել է նրա ձեավոր խոսքը, նրա խոսուն մակղիրները, թևավոր բնորոշումները: Մի քանի օրինակ բերենք. հնամաշ դերասանուհի. լանաթեր (կղերական). ամուսնությունը նրա համար — Սիրիր կամ Սախալին է, և այլն: Այստեղից էլ հեշտ է անցնել նրա հերոսների ոճին, ասենք, ինքը Շիրվանզադեն էլ իր երկերի մեջ մի գործող անձն է իր լեզվով և ոճով հանդերձ, մանավանդ իր ոճի պատկերավորությամբ, որի մասին մի քանի խոսք արժե ասել:

Շիրվանզադեի ոճի պատկերավորության մասին շատ խիստ է արտահայտվել քննադատ Լեոն: «Նկարագրությունները, — ասում է նա, — շատ աղքատ են. լեզուն չափազանց թույլ, ոչպատկերավոր: Մաքի թոփչք, եռանդ, կորով, թափ ու կայծ չկան. պարոն Շիրվանզադեն կարծես վեպ չի գրում, այլ պաշտոնական արձանագրություններ» (տես Լեո, «Խուսահայ գրականություն», 1904 թ., էջ 326): Այս դատավճռի ոչ մի բառի հետ չի կարելի հաշտվել. Շիրվանզադեն ունի մի շարք հոյակապ նկարագրություններ, որոնք մեր դասագրքերի զարդն են կազմում: Նրա ուժալիստական լեզուն աղքատ չէ, իր տեսակում նույնիսկ հարուստ է: Շիրվանզադեն ուզած ժամանակ թոփչք ու կայծ է նվիրում իր խոսքին, երբ տալիս է իր հերոսների հոգու մեջ տեղի ունեցող լիրիկական շարժումը: «Նամուսը», «Արսեն Դիմաքսյանը», «Քառոսը», «Ճավագարը», «Վարդան Ահրումյանը», «Մելանիան», և այլն — անվանել «պաշտոնական արձանագրություններ», նշանակում է ժխտել ոչ միայն Շիրվանզադեի տաղանդը, այլև հայ ուժալիստական վեպի հաղթանակը, որի ապահովողներից մեծագույնը նա է: Իսկ դալով Շիրվանզադեի ոճի պատկերավորությանը, պետք է ասենք, որ քչերը կարող են նրա հետ մրցել պատկերացման առարկայականությամբ, մի հատկություն, որ քննադատներից ոմանք Գյոթեի ոճի առանձնահատկություններից մեկն էին համարում — Gegentäglichkeit der Darstellung: Պատկերը տալիս է իրականությունը զգացողական ձեռվ, ասում է Հեգելը: Գեղարվեստական պատկերը պիտի վեր հանի առարկայի շարժումը: Հայ վարպետ վիպասաններից մեկը՝ Տիգրան Կամսարականը նկատել է Շիրվանզադեի ոճի պատկերավորության մեջ գյոթեական գիծը կամ Հեգելի նշան շար-

Ժումը: «Մինչ վիպական դպրոցը (ռոմանտիզմը).— պրում է Կամսարականը 1889 թվին, «Արամբին» վեպի առիթով, —նկարագրությունը ի սեր նկարագրության և եթ կընդուներ, և շպարելով պատկերները կայլակերպեր զայնս՝ իրապաշտ դպրոցը նկարսությունը կընդունի սոսկ միջավայր մը պատկերացնելու և կամ հոգեկան վայրկյան մը բացատրելու համար։ Պարոն Շիրվանզադեն իր գործին մեջ նկարագրության սույն ըմբընման ապացույցը կուտա. իր պատկերները այլափոխյալ չեն հնօրյա սեթենթներով. ձգտում մը կարելի է հաստատել անոնց մեջ իրականի դեպի բանավոր ընդօրինակությունը, կամ գրադատաց բառով՝ վերադարձն ի բնություն (տես «Շիրվանզադեն և իր գործը», էջ 268)։ Հենց բնությունը՝ իբրև Շիրվանզադեի պատկերների ատաղձ՝ միշտ գործադրվում է նրա հերոսների հետեւկան վայրկյանը բացատրելու համար։ Տեսեք հետեւյալ համեմատությունը. «Այսպես ապրեց Մադդալինան իննը տարի, միշտ հանգիստ, միշտ անվրդով, ինչպես մի անգամ արդեն իր ուղին հարթած դաշտային գետը» («Երկերը», Ա., 175)։ Մեջանուհու հանդարտ ու անվրդով կյանքը ավելի ցցուն պատկերով չէր կարելի արտահայտել քան այդ «իր ուղին հարթած դաշտային գետով»։ Ամեն մի բառը մտածված է և աեղին գործածված։ Թափանցիկ ծաղըն ևս չի կարելի անտեսել։ Հետեւյալ համեմատության մեջ ևս առկա է որոշ սուր հեղնանք. «Տեսչի խոհանոցի առջև զրոսնում էին երեք չորս զույգ սագեր ու երկու հնդկահավ, գլուխները հպարտ հպարտ վեր ցցած, ինչպես գավառական չինովնիկներ» (նույն տեղ, էջ 93)։ Պետական ծառայողների հպարտությունը հնդկահավերի հետ միասին նույն մակարդակի վրա դնելով, անշուշտ, Շիրվանզադեն դաստիարակչական նպատակ է ունեցել. արհամարհանք զարթեցնել։ Նույնպես և գավառական կուտակողի տունը բանտի հետ համեմատելով, Շիրվանզադեն նպատակ է ունեցել նողկանք զարթեցնել դեպի հետամնացությունը, ասիականությունը, ժլատությունը, փակված կյանքը (նույն տեղ, էջ 79)։ Շատ մեծ տակտով Շիրվանզադեն այս կամ այն արհեստի մարդուն խոսեցնում է և նրա միտքը կոնկրետացնում է հենց իր արհեստի սֆերայից վերցրած կենաւական դիտողությամբ։ Օրինակ, հացթուխ Շուշանը աղջկա հիվանդագին վիճակը տեսնելով, ասում է. «Թոնիր ընկներ նրա մայրը, խորովվեր, չտեսներ նրան այդ վիճակում» («Երկերը», Ե., 300)։ Նույնպես և նախկին դերձակ գիծ Դանիելը իր ընտա-

նիքի դժբախտությաւնը, աղջկա կորուսաց, իր հիվանդությունը մտաքերելով, ասում է. «սիրտս կտոր կտոր արին մահուղի պես» (նույն. տեղ. էջ 208): Բայց Շիրվանզաղեի մոտ այդ թեքումը—«լեզվական էսենցիան»—տիրապետող չէ. նա մեծ մասամբ տրամադիր է իր պատկերը տնմիջաղես կապել գործող անձի հոգեկան վիճակի հետ: Մեմուարների մեջ Շիրվանզաղեն պատմում է, թե Բաքու գալով ինչ նեղություններ է կրել: Ինչպես երեսում է, գրանք եղել են և նյութական և հասարակական բընույթի: մտնելով մի քակ, նա աեսնում է թե ինչպես ոմի մեծ սագ, ինձ տեսնելով, անմիջապես թները բարձրացրեց և կղկղալով վազեց դեպի ինձ, կարծես գալիս էր անցադիր պահանջելու» («Երկերը», Հ., 95):

Ինչպես աեսնում եք, իր ոճի պատկերավորության միջոցով Շիրվանզաղեն որոշ նպատակներ է հետապնդել և չի եղել շարվեստը արվեստից աեսության կողմնակից: «Լեզուն զարգացման և կովի գործիք է», ասել է Ստալինը (տես «Сочинения», Դ. I, ՇՏԲ. 44): Հատկապես իր պատկերավոր լեզվով Շիրվանզաղեն կովել է որոշ թերությունների դեմ և նպաստել է իր դարաշըրջանի կուլտուրական վերելքին, զարդացմանը: Դա երեսում է ժամավանդ նրա ստեղծագործության այն բաժնից, ուր գործող անձը բնությունն է, ուր մարդու և բնության փոխարարերության միջոցով հեղինակը պարզում է այս կամ այն վերացական խնդիրը, հերոսների հոգեվիճակը կամ տվյալ շրջանի հասարակական կացությունը:

Շիրվանզաղեի ստեղծագործության մեջ չկա բնությունընության համար. եթե նա խոսում է բնության մասին, ուրեմն դրանով ուզում է պարզել իր «մարդագիտության» այս կամ այն հարցը: Նայելով բնության առկայությանը նրա ստեղծագործության մեջ, մենք նկատում ենք, որ գրվածքի գործողության և պեյզաժի միջև միշտ գոյություն ունի որոշ կոռրդինացիա. նկատում ենք, որ երբեմն նա հակադրում է մեկը մյուսին՝ տիրող կարգի որոշ թերություններ խարանելու համար: Բնությունը Շիրվանզաղեի երկերում մեծ մասամբ զերծ է խորհրդավորության ծածկույթից և փայլում է իր մերկանդամ գեղեցկությամբ, բնության ուսալիզմով: Երբեք նա մարդուն ստրկական կազի մեջ չի դրել բնության հանդեպ. միշտ պաշտպանել է այն տեսակետը, որ մարդը բնության աերը պիտի լինի և նրանից չպիտի սպասի բարեշնորհումներ, այլ—Միշուրինի խոռնով ասենք—պետք է

ինքը վերցնիւ Շիրվանղաղեն մի անդամ էր զրուցակիցներից մեկին ասել է. «կարդացեք բնությունը. չկա ավելի հետաքրքրական գիրք, քան նա» («Երկերը», Ղ., 381): Հետաքրքրական է այդ գիրքը մանավանդ նրանով, որ պատկանում է բոլորին և «մարդը ոչ մի տեղ զրկված չէ նրա սքանչելի ժպիտից»: Այդ սքանչելի ժպիտը ավելի ևս հրապուրիչ է ծովի վրա, մի վայր, որ Շիրվանղաղեն սիրում է և, ի գեղս հարկին, նկարագրում է մեծ հափշտակությամբ: Նա սիրում է ոչ միայն ծովը, այլև «ծովային մարդկանց», գովում է նրանց աննման եռանդը և նրանց վարքի բնութենական պարզությունը: Ծովի հետ, ինչպես Բայրոնը և Պուշկինը, Շիրվանղաղեն կապում է ազատ տարերքի գաղափարը՝ համեմատելով մարդկային անազատ կյանքի հետ: Իր ճամփորդական հուշերի մեջ սլատմելով Շելիոնի բանտի մասին, Շիրվանղաղեն գրում է. «Կարծես, միջնադարյան բռնտկալությունը իր ոճիրը մարդկային ազատության դեմ ավելի անամոթաբար շեշտելու համար է հոչակավոր բանտը տեղավորել Լեմանի ափերից գեղեցկագույնի վրա» («Կյանքի բովից», երկրորդ մաս, 129):

«Բնության գիրքը» բարերար ազգեցություն ունի Շիրվանղաղելի: հերոսների հոգեբանության վրա: Երբ Արմենուհին նեղվում է իր շրջապատի գարշությունից, նա ապաստան է որոնում բնության մեջ և «նայելով հսկաների վարդագույն գագաթներին, սլանում է դեպի հեռավոր անծանոթ աշխարհներ, ուր չկան մանր կրքեր...» («Երկերը», Զ., 396): Արսեն Դիմաքսյանն ևս նախանձով է նայում բնության հավերժությանն ու անհունությանը: «Դիմաքսյանը, — գրում է Շիրվանղաղեն, — երբեմն մենակ նստում էր մի մամուապատ ապառաժի վրա ու ժամերով դիտում շրջակայքը: Այդ միջոցին նրա թախիծը չէր նմանվում սովորականին: Նրա սիրու լցվում էր զորավոր զգացումներով ու տարօրինակ ձգտումներով: Նա նախանձում էր բնությանը, այս, նախանձում էր նրա գեղեցկությանը, նրա հուրատե գոյությանը, նրա անսահման ուժին և օրենքներին» («Երկերը», Գ., 175): Բնության մոտիկությունը թափ է տալիս ոչ միայն հեղինակի, այլև նրա հերոսների տրամադրությանը և նրանց լեզվի ու ոճի մեջ մացնում արտասովոր եռանդ, գույներ ու պատկերներ: Սուսանի և Սեյրանի սիրո պատմության մեջ բնությունը իր գերն ունի. նա ուրախ է, երբ սիրահարներն երջանիկ են, տխուր, երբ նրանք խոչ ու խութի են հանդիպում:

Շիրվանղաղեն այդ առիթով գրում է հետեւյալը. «Սեյրանը նոյեց երկնքին. Երկինքն էլ աստղերն էլ, ամենն էլ փոխվել են նրա աշքում»: Այս, ինչպես այն երեկո ուրախ ուրախ ծիծաղում էին նրա երեսին այս աստղերը, իսկ հիմա որքան թթված դեմքով են նայում նրա վրա: Միթե նրանք էլ ծաղրում են Սեյրանին («Երկերը», Դ., 80): Շիրվանղաղեն ինքը իբրև հեղինակ իր հերոսների տրամադրության բաժանորդն է, նա ևս կյանքի ամենածանր պայմաններում ապաստան է փնտրում բնության գրկում և մոռանում «անիրավ կյանքի դառնություններն ու վշտերը» և այդ ոգեպինդ համոզումը նրա լեզվին թափ է պարզեցում, պատկերներին լիցք տալիս: Իր ճամփորդական երկերից մեկում նա գրում է. «Ահա նույնիսկ այն նենգավոր և կեղտոտ ճահիճները, որ երեկ մեզ կորուստ էին սպառնում, այսօր հեռվից թվում՝ են կախարդական գորգեր՝ սփոված լայնատարած դաշտերի վրա» («Երկերը», Ե., 383): Բնության սիմվոլիկան երիտ ձեռվ է արտահայտվում Շիրվանղաղեի լեզվական կուլտուրայի մեջ. նախ՝ բնությունը իբրև աշխատավոր. նա էլ տնքում, նա էլ է ջանում, և ուստի, նա ևս հոգնում է և կարիք զգում հանգստության: Եվ երկըրդ՝ բնութենական կյանքը բարձր է քան քաղաքակրթական կեղծիքը, եթե առաջին բաժնում փայլում է Շիրվանղաղեի լիրիզմը, երկըրդում—կոմիզմը: Շիրվանղաղեի աշխարհայցքը երբեմնապես ստանում է պանթեիստական երանգավորում բոլոր այն դեպքերում, երբ նա քննադատում է ռուղիղ ճանապարհից ելնելը: Նրա հերոսուհիներից մեկը՝ Վառվառեն բնությունը «աստված» է անվանում և զարմանում է, որ չեն լսում նրա ձայնին: Շիրվանղաղեն ծաղրել է բոլոր զարտուղությունները ամուսնության մեջ՝ տարիքների անհամապատասխանությունը, անսեր, ամուսնությունը, բնազդի և օրենքի: Հակամարտությունը, Բնությունը նույնիսկ բողոքում է, երբ ծնվում է «անբնական» Վարդան Ահրումյանը, որ սիրտ չունի և կրծքի տակ կրում է քարի մի կտոր: «Մի ականատես պառավ, որ ապրեց մինչեւ ԺԹ դարի վերջին տարին, պատմում էր, թե այն օրը սոսկալի էր, երբ աշխարհ եկավ Վարդան Ահրումյանը: Իբրև թե երկինքը շարունակ որոտում էր, երբեմն մռնչում ամենի գաղանի պես. մթին ամպերը, դեկը կորցրած նավերի նման, տատանվում էին, չիմանալով ուր գնալ...» («Երկերը», Ա., 78): Միաւկ Մեծարենցի մոտ բնության լիրիզմը սքանչելի իլուզիա է ստեղծել. ասում է՝ պատուհանս զարկում են, չգիտեմ—հեղին:

է, թե Զարմանուհին։ Սիրահարված Ռոստոմյանը նման մի իլուզիա է ապլիկ։ «Նույն գիշեր, — գրում է Շիրվանզադեն, — պես պես քաղցր, սակայն, հոգնատանջ երազներ, իրարու հաջորդելով, ընդհատում էին նրա սովորական անդորր քունը։ Հայտնի չեր որ ժամին, մի անգամ նա հանկարծ զարթնեց, այնպես թվաց նրան, թե մեկը զարկում է դռներին։ Նա մոտեցավ լուսամուտին, նայեց դեպի դուրս։ Ոչինչ չկար» («Երկերը», Բ., 223)։

Ընդհանրապես Շիրվանզադեի լեզուն և ոճի պատկերավորությունը պարզ են, անմիջական, տպավորիչ։ Շատ քիչ դեպքերում նա գրականայնություն է մտցնում իր խոսքի մեջ, հաշվի առնելով որակավոր ընթերցողին, որ ծանոթ է միջազգային գրականության և արվեստի պատմության հետ։ Մի քանի օրինակ բերենք. «Կարապետը վերցրեց մի երկայն դաշույն, և սկսեց սրբել նրան այնպիսի եռանդով, որպես Ռիգոլետոտ օպերայում ավազակ Մպարաֆուչիլեն է սրբում իր սուրը» («Երկերը», Ա., 103)։ «Այս բոլորը ես Արգոսի աչքերով տեսնում էի և ոչ մի կետ բաց չէի թողնում» («Երկերը», Բ., 43)։ «Նրա բաց կուրծքը, սպիտակ ուսերը նկարվել էին արեգակի ջերմ շողերով ողողված սենյակի մեջտեղում որպես մի կլասիկական արձան, որպես մեկը թանովայի ախտարորբոք ձեռակերտներից» («Երկերը», Զ., 12)։ «Ընթրիքը կատարելապես դարձել էր կուկուլոսի սեղան» («Երկերը», 417)։ «Խիզախ աշխատավորի կերպարանքի, քայլվածքի ու կեցվածքի մեջ կար մի տեսակ ասպետական գեղեցկություն, արժանի Ֆիդիասի ստեղծագործությանը» («Երկերը», Ե., 306)։ Բացի այդ՝ Շիրվանզադեի երկերն իրար ետևից կարգացողը նկատում է նաև պատկերների, համեմատությունների կը կնություններ։ Օրինակ. հաճախ կհանդիպեք հետեւյալ արտահայտություններին. «Տունը կատարյալ դժոխք է դարձել»։ «Աչքերը կը քոտ կատվի պես տնկեց»։ «Նրա ներքինը վրդովվեց, ինչպես ուժեղ ձեռքով արձակած մի քար վրդովում է մի նիրհած լիճը» և այլն։ Երբեմնապես Շիրվանզադեն գործ է ածում անհամողիչ ձեռվոր խոսք։ Օրինակ. Բաղդասարն ասում է իր որդի վարդանի մասին. «Թող իմ որդին էլ խոզ լինի, միայն ամենքը վախենան նրանից. ամենքը գլուխ խոնարհեցնեն նրա առաջ...»։ Ո՞վ է խողից վախենում, և այլն։

Հերոսներին ոճով պատկերացնելու արվեստը, այնուամենայնիվ, Շիրվանզադեի ստեղծագործության ուժեղ կողմերից

մեկն է, Պուշկինը մի անգամ ծաղրաբար ասել է, թե կլասիկների հրեք միությանը պետք է ավելացնել նաև «չորրորդ միությունը», այսինքն՝ բոլոր հերոսները խոսում են նույն լեզվով։ Բարերախտաբար Շիրվանղաղեն զուրկ է չորրորդ միությունից, որովհետև նրա հերոսները ոճապես անհատականացված են։ «Պատվի համարի» մեջ մեր խոշոր ոճաբան հեղինակներից մեկը՝ Գրիգոր Զոհրապը տեսում է հերոսների սուսերամարտը, բանավեճը. «մեկ ծայրեն մյուսը, — գրում է նա, — սուսերու բախում մըն է կարծես, լույսեր ու բոցեր արձակելով շարունակ։ Ամեն մի բառ գնդակի հարվածի պես ուժգին ու սաստիկ է» (տես «Շիրվանղաղեն» և իր գործը, 290)։ Դա նշանակում է, որ Շիրվանղաղի մոտ խոսքն էլ գործողություն է, մի խոսք, որ հատկանշում է անձի այս կամ այն արարքը։ Նա ավելի շատ հերոսներին հանձնարարում է ընթերցողին նրանց խոսքերի միջնորդությամբ, ավելի քիչ՝ իր հանձնարարականներով։ Բայց երբեմն մեծ ռեալիստ հեղինակի այս կամ այն հերոսը, մանավանդ հերոսուհին, դրական տիպը՝ զարմացնում է ընթերցողին իր ծաղկուն ոճով, առանձնապես այն դեպքում, երբ նրա համեստ կրթությունն այդպիսի մի ոճի առկայությունը չի ենթադրում։ Ասենք, օրինակ, Սուսանի հռետարական մտածումները, նրա հոչակավոր աղոթքը, Պրոֆ. Շամբինագոն Օստրովսկու գրական հերոսուհիների ծաղկուն ոճի վերաբերյալ գրել է. միթե վաճառականների աղջիկներն այդպիսի ծաղկուն ոճ են ունեցել. — Ճիշտ է, չեն ունեցել, չեն խոսել այդ ոճով, բայց մասնել են այդ ոճով (տես „Տворчество Островского“, ст. 356)։ Շիրվանղաղի մոտ ծաղկուն ոճը — հոգու մաքրության նշան է։ Պաւանի ներքինը ընթերցողի աշքի և ականջի առաջ գնելով, Շիրվանղաղեն տվել է իր ոճական արվեստի գաղտնիքներից մեկը։ Հայած նա ոսմանտիկ չէ, բայց չի խուսափում ուժեղ դարձվածքներից, միտքը շոշափելի դարձնող չափազանցություններից։ Եվ դրա հետ միասին, Շիրվանղաղեն երբեք չի շտապում։ Առաջին պատահած բառը նա չի դնում իր հերոսի բերանում։ Նա աշխատում է իր ֆրազի վրա, նյուանսներ է ստեղծում և վերին աստիճանի անհատական կոլորիտ տալիս նրան։ Շիրվանղաղեն ոչ միայն տեսնում է իր հերոսի արտաքինը, հագուստը, սովորությունները, շարժումները, այլև նրա ներքին ինքնուրույնությունը, որով նա իրավունք է ձեռք բերել երկի մեջ որոշ դեր կատարելու, իր հերոսին հեղինակն ըմբռնում է արտաքին և

Ներքին սիամնության մեջ։ Երբեմն նրա մոտ արտաքինը բաց է՝ անում գաղտնածածուկ ներքինը։ Օրինակ. «Քառսի» մեջ եպիսկոպոսի ուռած թշերը ցուցնում էն նրա պորտարույժ կյանքը, ձրիտկերությունը։ «Արևեն Դիմաքսյանի» մեջ տիկ. Բախտամյանը հասարակական գործերով է զբաղվում՝ իր սեռական եռանդը սուրլիմացիայի ենթարկելու համար։ Նրան մատնում են վավագոտ աշքերը, որոնք հայտաբերում են հագուրդ չստացած նրա ներքինը։ Նա իր «ազատամտությամբ», իբրև թզենուտերենով, ծածկում է սովորական պոռնկի վարքը, առաջավորձեանալով, նա պարկեցտությունը հայտարարում է, ինչպես կասեր Տ. Կամսարականի հերոսը՝ «նախապաշարում մը»։ Նրա ամբողջ էությունից բուրում է ցինիզմ։ «Ծիկինը,—ասում է Շիրվանզադեն,—կծու վշտերից արբեցած, անիծում էր ամենքին և ամեն ինչ, և հասարական կարծիք ու օրինքներ, և եկեղեցի ու կրոն, և իր հոր դերեզմանը, և ամբողջ աշխարհը»։ Տեսնելով, որ տարիք է տանում, նա կատաղում է. «Ինչու, ինչու այդպես վաղ պղկում և դալկանում է իր գեղեցկությունը, որ այնքան երիտասարդների է հրապուրում։ Եվ բարկությունից նա ճանկրասում էր իր մարմինը, ինչպես կատաղած կապիկ, փետում գլխի առամմազերը, որոնց մեջ սպիտակները օրից օր շտանում էին» («Երկերը», Գ., 189):

Տակավին իր գրական երախայրիքի մեջ—«Հրզեն նավթագործարանում»—Շիրվանզադեն գործադրում է «ոճը ինքը մարդըն է» մաքսիմը։ «Մշակների» անզարդացած, նախապաշարված և տիրոջից տնտեսապես կախված վիճակը ամեն մի քայլափոխում երևում է։ Վախենալով թե «աղան»՝ հրդենի պատասխանառվությունն իրենց վրա կձգի, նրանցից մեկը միամտորեն ասում է. «Թող աստված պատժի այն չար մարդուն, որը համարձակվել է այս վնասը ձեզ հասցնել—Աստուծո կամքն է։ աղա, մենք ինչ անենք, մենք հո չենք կրակ գցում ու այրում ձեր գործարանը» («Երկերը», Ա., 10)։ «Մշակի» հետ միասին գործակատարն ևս աղայի հանդեպ նույն ստրկական ոճն է բանեցնում։ Խաչին ասում է տիրոջը. «Ես ձեր ծառան եմ, ձեր հացն եմ ուտում. ստրուկն ինչ իրավունք ունի իր տիրոջ հրամաններից շեղվել» (նույն տեղ, էջ 63)։ Իսկ տերերի—լինի դագործարանատերոջ թե առետրական տանտիրոջ—ոճը, դրա հակառակ նշվում է խոսողների ինքնավստահությամբ, ստորադրյալների նկատմամբ քամահրանքով և մեծամտությամբ։ «Արևեն

Դիմաքսյան» վեպի մեջ, հոգաբարձական ժողովի ժամանակ, փայլել է սրբազնի երգիծական դեմքը իր բանեցրած ոճի մեջ. «Պարոն քարտուղար, ուշի ուշով գիտեցեք ողջախոն պարոն Վերիլյանի ասածները: Իա, հեր օրհնած, ինչ ես Բեթանիացի բորոտի պես քինթդ քորում: Այսպես, գերազնիվ պարոնայք, խնդիրը եղբափակենք: Հստ իս՝ վաղը մեր մեծապատիվ պարոն տեսչին հայտնելու է այս մեր որոշումը: Շնորհազարդ պարոն Բարաթյան, կարծյոք, այս պարաքը ձեր վրա գնելու է. քանզի, եթե չեմ սխալվում, դուք եք հերթակալը: Պարոն քարտուղար, արձանադրեցեք մեր որոշումը այսպես. «Առաջարկեալ եղիցի վերատեսչին պարոն Արսէն Մարգարեան Դիմաքսեանի՝ յարգել զկրօն ըստ չափու պահանջման հոգաբարձութեան և զանս գրանոցիս հանապազօրեայ առաջնորդել յեկեղեցի անձամբ» («Երկերը» Գ., 130): Եթե ուշադիր հետնելու լինենք, կտեսնենք, որ նույն վեպում իրարից տարբերվում են երկու մտերիմ ընկերների—Արսենի և Մսերյանի —ոճերը. մեկը գրքային է, քաղաքում ապրած և գրքերով կյանքը ճանաչած մարդու ոճ է, իսկ մյուսը՝ համեմատաբար ժողովրդական, գյուղական մտապատկերներով և քաղաքում գավառը ներկայացնող մարդու ոճ է: Ինչպես մի այլ կտապակցությամբ ասել ենք, Մսերյանի խոսքը զեղուն է ժողովը բարդական բառ ու բանով. օրինակ. «Էլի հվ է էշիդ կաղ ասել». «Էվ ինձ նման քամի կուլ տվողին պաշտոն կտա»: «Ես լինեի՝ կտենի. հորս ցավը ձեզ էլ ու ձեր դպրոցին էլ» և այլն: Մինչզեռ Դիմաքսյանը նույնիսկ սիրո զգացմունքի մասին խոսելիս ցույց է տալիս իր գրակարդացական զարգացումը, որոշ վերացականությունն, փիլիսոփայական թեքում: Օրինակ. «Այժմ ես վերակենդանացած եմ: Գայեանեի պատկերն իմ երեակայության մեջ մինչեւ կյանքիս վերջը կմնա կենդանի, վառ և, ինչպես մի իդեալ, եռ միշտ կտաշտեմ այդ պատկերը: Բայց ինչպես իրական էությունն, ինչպես անհատ—նա այլնս գոյություն չունի ինձ համար» (նույն տեղ, Էջ 286): Մսերյանի հետ իր անհատական ոճով մրցում է Դիմաքսյանի ծառան—Միրականը: «Աղա ջան,—տում է նա տիրոջը,—մայրս մեր գյուղում հեքիմ էր, անվանի հեքիմ: Տարին տասներկու տամիս նա աղոթք էր անում, պառ էր պահում, շաբաթներով էլ ծոմ էր մնում, չունքի օրհնյալ եղիցի կամքն աստծո, ընկնավոր էր...» (նույն տեղ, Էջ 246): Միրվան զադեի ոճական պրիոններից մեկն էլ այն է, որ նրա որենէ հելքոսը մի բառ կամ արտահայտություն տեղի, անոնդի գործ է:

ածում և հենց դրանով էլ բնորոշում իր անձնավորությունը՝
մտավոր հորիզոնը, ճաշակը: Այդպես է «Ամեր իրավունք» պիե-
սի մեջ Մարմարյանը, որ սիրում է խոսել ժողովրդական բառ ու
բանը օգտագործելով և իր մշտական «Էվալլան» հետը խառնելով:
Մարմարյանն ասում է Անտոն Բեգմուրյանին իրեն հատուկ
անկեղծությամբ. «Ո՞վ էիր դու, որ ամուսնացար. քառասունին
մոտեցող մի թերմաշ, որի կյանքի սերն արդեն հավաքվել էր,
թթու թանն էր մնացել, իսկ նա (Հերսիլեն) տասնութ տարեկան
երեխա էր: Է՛վալլա, դու կին չէիր ուզում, այլ զարդ, և այլն»
(«Երկերը», Ե., 118): Այդպես էլ «Թառսի» Պապաշայի խոսքի մեջ
շարսնակ զգում եք նրա կմկմոցը, նրա ծերունական պարտա-
սությունը, հոգնած ոչխարի գլխի խոնարհումները: Միքայելի
տպտակի պատմությունը լսելով և տեղեկանալով, որ ընկերական
դատ է առաջարկվում, Պապաշան հարում է. «Դրուստ է ասում,
աֆերիմ, ըըը, շատ դրուստ է ասում,—Պապաշան հավանություն
է տալիս մեկին, որ հակառակ էր ընկերութեան դատին,—ընկերա-
կան դատս մըն է, մոռացիր, ըըը, Մեխակ ջան, մոռացիր...»
(«Երկերը», Ե., 158): «Ավերակների վրա» պիեսում սնանկացած
արդյունաբերող Աթանեսը ասում է Արամազդին, որ չնչին պին է
առաջարկում սնանկացողի գործարանի համար. «Պոչաղ ես, շատ-
դոչաղ, խոսք չունիմ: Էլ ինչ ես կանգնել, գցիր թոկդ վզովս,
խեղդիր էլի» («Երկերը», Զ., 240):

Ինչպես տեսնում ենք, ոճով պատկերացնելու արվեստը
Շիրվանզադեի ստեղծագործության ուժեղ առանձնահատկու-
թյուններից մեկն է: Այդ կողմից նրա ռեալիզմը մրցում է Նար-
Դոսի գրական մեթոդի հետ և հանդիսանում է հայ գրականու-
թյան ուսանելի նվաճումներից մեկը: Գիտի զարմանալ միայն,
որ Շիրվանզադեն չի նկատել Նար-Դոսին և, եթե վերջինիս մա-
սին խոսել է, հավանություն չի ավել նրա գրվածքներին: Իբ-
սավարահատոր մեմուարների մեջ Նար-Դոսի անունն անզամ-
չկա: Ի՞նչով բացատրել այդ երևույթը: Ռեալիզմի նյուանսների
աշխարհայացքի որոշ կողմերի, վիպական ժանրերի տարրերու-
թյամբ Շիրվանզադեն և Նար-Դոսը մեկ մեկ հակադրվում են իրար,
չնայած միասին մի ֆրոնտ են կազմում ընդհանրապես ռոման-
ակազմի դեմ, մանավանդ իրենց ռեալիստական ոճով: Մենք նկա-
տում ենք Նար-Դոսի երկերի մեջ որոշ ծաղը Շիրվանզադեի օտա-
րաբանության դեմ: Ինչպես երևում է, Շիրվանզադեի սրտովը
չէր Նար-Դոսի լավագույն ստեղծագործությունը—Շահյանի հա-

մայնապարփակ տիպը։ Ինքը Շիրվանզադեն մի անգամ անցել էր այդ տիպի սոտով և արհամարհանքով թողել առանց ուշադրության։ Դա Քամալյանն էր։ Այնուհետև Նար-Դոսի վեպերի պսիխոլոգիզմը, սոցիալական մոմենտի ետին պլանի վրա դնելը դարձյալ Շիրվանզադեի սրտովը չէր։ Նար-Դոսի հերոսների հավերժ տեղատվությունն ու մակընթացությունը, ստոյիկյան աշխարհայցքի բացարձակ անգունումը և ցավերից ճշալու տրամադրությունը Շիրվանզադեն համարում էր կատարյալ լալկանություն և ջղայնության առկայություն ոճի մեջ։ Ոչ միայն Շահյանի համայնապարփակ տիպը, այլև Բազենյաններին Շիրվանզադեն չէր համակրում։ Ճիշտ է, ինքը Շիրվանզադեն ունի ցինիկներ, մոմենտով ապրողներ, ինչպես Նար-Դոսի Թուսյանը, բայց Շիրվանզադեի մոտ ոչ մեկը չի դարձել թեորետիկ, ֆիլիսոփիա, «մոմենտը պաշտող մարդարեներ»։ Նար-Դոսը մի քանի գծերով նման է Զեխովին։ Մենք արդեն գիտենք, որ Շիրվանզադեն չէր սիրում Զեխովին և «քնում էր» նրա պիեսների ներկայացման միջոցին։ Շիրվանզադեին չէր կարող դուր գալ նաև Նար-Դոսի ստեղծագործության մեջ սոցիալական բողոք արտահայտելու ձևերը, որոնք մեծ մասամբ դրսեորվում են թույնով կամ զենքով ինքնասպանության, ինչպես և խելագարության միջոցով։ Իհարկե, կտ ինքնասպանություն, և կտ ինքնասպանություն։ Օրինակ. Դորբոլյուրովը հաշտվում է Օստրովսկու հերոսուհի Կատերինայի (= „Գրօզա“-ի մեջ) ինքնասպանության հետ, գրելով. «Ենչ մխիթարական, թարմ կյանք է շնչում մեղ վրա մի առողջ անձնավորություն, որ իր մեջ ուժ է գտնում վերջ տալու այդ փատած կյանքին» (տես „Սոչինենիա“, տ. IV, ստր. 435, 1911ր.)։ Շիրվանզադեն առանձնապես չի հավանել Նար-Դոսի «Ինչպես բժշկեցին» պատմվածքը, որ, ի դեպ, մեր Պետհրատը լույս է ընծայել «Հակակրոնական սերիայով»։ Կյանքի հանդեպ մահվան ջատագովումը, «ազատարար մահ» արտահայտությունը, որ Նար-Դոսի գլխավոր հերոսների դավանանքն է, դարձյալ Շիրվանզադեի սրտովը չէր։ Ինչպես տեսնում ենք, Նար-Դոսի ըստ ամենայնի հոգեբանական վեպը շատ կետերում չի համընկնում Շիրվանզադեի սոցիալական վեպին։ ասում են, Տոլստոյն էլ չէր սիրում Դոստոյեվսկուն։ Խորտակվող մանր բուրժուազիայի մասին Լենինը գրել է հետեւյալը, որ սազական է նաև Նար-Դոսի հերոսներին. «Հումանատությունը, — ասում է Լենինը, — հատուկ է այն դասակարգերին, որոնք խորտակվում

Ան... Հաւսահատությունը հատուկ է նրանց, ովքեր չեն հասկանում չարիքի պատճառը, ելք չեն տեսնում, անընդունակ են կովելու։ Ժամանակակից արդյունաբերական պրոլետարիատն այդ դասակարգերի թվին չի պատկանում» („Сочинения”, т. XIV, 404—406)։ Շիրվանզադեի սրտովը չէր նաև Նար-Դոսի տիպերի պարալելիզմը. ճիշտ է, ինքն էլ մի երկու անգամ փորձել է տալ հակադրություններ, օրինակ. Դիմաքսյան և Բարաթյան, Սան-Բուրյան և Զարիֆյան, բայց դա Նար-Դոսի մոտ կիրառվում է իբրև սիստեմ, իբրև «ցիկլային վեպ», որ Շիրվանզադեի մոտ գոյություն չունի։ Մեզ թվում է, որ Շիրվանզադեի սրտով չէր նաև Նար-Դոսի որոշ թեմատիկան։ Մի կետումնա հակադրվել է Նար-Դոսին։ Վերջինս իր «Նորածինը» պատմվածքի մեջ չքավոր մոր ձեռքով խեղդում է նորածինին։ Ասես այդ պատմվածքի գեմ ուղղելով խոսքը, Շիրվանզադեն զրում է իր «Ո՞րն է մայրը» պատմվածքում հետեւյալ բնորոշ տողերը. «աղքատությունը, —ասում է նա, —կարող է ճնշել մայրական զգացումը, բայց երբեք խեղդել և սպանել։ Շատ դեպքերում նա սրում է և հիվանդության աստիճանի նրբացնում այդ զգացումը։ ԶԵՆ եղել մայրեր, որ իրենց ցամաքած արյունի վերջին կաթիլներով են սնել և մեծացրել իրենց զավակներին։ Ահ, աշխարհի գանձերը չեն կարող մայրերի ոսկրոտ կրծքերից կորզել հարազատներին, եթե միայն այդ կրծքերի տակ կտ ծնողական զգացում» («Երկերը», Գ., 344)։ Ոմանք աշխատել են Նար-Դոսի և Շիրվանզադեի յեղուն իրար հակադրել ոչ միայն նրանով, որ մեկը ավելի հայացի է գրում, քան մյուսը, այլև նրանով, որ մեկի մոտ տոկտ է լեզվական լիրիզմը, իսկ մյուսը—Շիրվանզադեն իբր թե թափաւը է այդ հատկությունից։

Դա սխալ է։ Շիրվանզադեի մոտ բոլոր դեպքերում, երբ նրա հերոսներն ապրում են խանդավառության զգացմունքը—լինի դա սիրո ազգեցությամբ կամ սոսկ կյանքի սիրո առնչությամբ—նրանց ոճի մեջ նկատվում է պաֆոս, ոգևորություն, թուշք, մի խոսքով՝ լիրիկական շարժում։ Սովորական մարդը, պրոդայիկ կյանքով ապրող և, երբեմն, սահմանափակ՝ «բանաստեղծ» է դառնում, երբ նրան գրկում է Ամուրն իր թևերով։ Հաճախ նա ինքն իրեն կորցնում էլ է. արժե հիշել Հովհաննես Թլկուրանցու մի աղտահայտությունը. «Սէրը հանէ զմարդն ի խելաց. —իմաստութիւնն խափանի, և հանց դառնայ, քանց զդիւահար»։ Այդ մտահան լինելու հոգեբանական հիմքը ոչ այլ ինչ

է, բայց եթե ուրիշի երջանկության տեսչը (Շիլեր): Ուրիշին զգալ իր մեջ, ինքն իրեն մռանալ, այսինքն ոգևորվել—դա հումանիզմի արտահայտության ձևերից մեկն է, ոչ միայն իրեն, այլև ուրիշին աղատ տեսնելու մի փափագ: Հարություն Ալամդարյանն ունի այսպիսի մի արտահայտություն. «սիրահար—սրահար»: Դա սայաթնովայական կամ, եթե կուզեք, դուրյանական սերն է: Շիրվանզադեն նկարագրել է և սիրո երջանկությունը, և սիրո դառնությունը, տրագիդմը: Եվ թե մեկի և թե մյուսի ըմբռնման մեջ նա ցույց է տվել և հոգեբանական ներքնատեսություն, և լեզվական արտահայտչական համազգացում, քնարական զեղում: Լեռն անարդարացի է, գրելով հետևյալը. «Սերը կյանքի մեջ հասկացվում է իբրև անձնական հաճույք, եսական զվարճություն և վայելչություն: Բայց պետք է ընդգծել այս հասկացողությունը, պետք է ցույց տալ թե դա չէ խսկական սերը: Նույն կյանքի մեջ, նույնիսկ հասարակ մարդկանց շրջանում, քիչ չէ պատահում, որ ամուսինը կապվում է իր արատավոր, տգեղ և հիվանդու ամուսնու հետ և գտնում է ապրելու, նույնին երջանիկ լինելու կատարյալ հնարավորություն: Որովհետեւ կա և ստեղծագործող, մարդկայնացնող սեր, սեր-անձնազոնություն, սեր-համաձայնություն, ներդաշնակություն, սիրու և հոգի բարձրացնող, գաղափար արդյունավորող: Պարոն Շիրվանզադեն համարյա միշտ առաջին տեսակ սերն ունի իր առջև, նա, որ եսականություն է, հաճույք է, մի խոսքով այն, ինչ խսկական սեր չէ («Ըուսահայ գրականություն», էջ 313): Քննադատը միանգամայն սխալ պատկերացում է տալիս սերը Շիրվանզադեի ստեղծագործության մեջ թեմային: Շիրվանզադեն շատ ցայտուն գույներով տվել է և եսանվեր, և անձնազոն աիրո նկարագիրներ: Շիրվանզադեն կտրականապես նշել է, որ «իսկական սերը» վերջինն է: Դոլմազովի սերը դեպի կատիան, հարկավ, «իսկական սեր» չէ: Բայց միթե «հասարակ մարդկանց» մեջ Շիրվանզադեն «իսկական սեր» ցույց չի տվեր—Սուսանի սերը: Սոնայի սերը: Մուրադի սերը: Դանիելի սերը: Լեվոնի սերը: Ասադի սերը: Գալոյի սերը: Շուշանիկի սերը: Բոլորն էլ ծայրեիծայր «մարդկայնացնող սեր» են, «սիրու և հոգի բարձրացնող» են և, մինչև անգամ, «գաղափար արդյունավորող»: Բայց նույնիսկ «եսասիրական սերը»—դարձյալ հանում է: մարդուն սովորական վիճակից, նրան մտահան է անում: Մինչև իսկ չարչի Խաչու ոճի մեջ խլրտում է առաջ գալիս, երբ նա-

յում է իր ապագա նշանածի վրա. «... Նայելով նրա (Թամարացի) զեղեցիկ ոսկե մեղալյոնով զարդարված բարձր կրծքին—խոստովանում եմ, ամեն անգամ սիրտս ժամացույցի նման չխկչխկում էր: Ես հաղիվ հաղ կարողանում էի զսպել ինձ, որպեսզի չհարձակվեմ նրա վրեն և չգրկեմ» («Երկերը», Ա., 60): Սիրույդ էմպիրիզմի կողքին Շիրվանղաղեն նկարագրել է նաև հեռակա սերը, այն խելահույզ զգացումը, որ տածում էր Ալբուրյանը Ալինայի նկատմամբ: Եվ ապա այն ցնցող վերջաբանը—«Իսկական սերն Ալինա է» (նույն տեղ, էջ 173): Հացթուխի աղջիկը, Մոնան, երբ սիրում է, նրա հոգեբանության մեջ առաջ է գալիս հետևյալ հետաքրքրական տեղաշարժը. «Նա երջանիկ էր, որովհետև սիրում էր իր տմուսնուն և սիրվում նրանից: Երբեմն այդ փոխաղարձ սիրո գիտակցությունը այնքան տիրում էր նրա հոգուն, որ մոռանում էր անցյալի բոլոր թշվառությունները և անձնատուր լինում երջանիկ հոգեղմայլության» (նույն տեղ, էջ 246): Շիրվանղաղեն իր «Թանկագին կապանք» պատմվածքի մեջ մի համարձակ միտք է արտահայտել: Մայրը սիրում է որդուն, բայց ոչ թե վերջինիս, այլ իր բախտավորության վրա դնելով շեշտը: «Այդ սերը նա (որդին՝ Մմբատը) համարում էր մի տեսակ եսասիրություն մոր կողմից, թեկուզ այն արտահայտվեր անձնազոհությամբ» («Երկերը», Բ., էջ 83): Կա անձնազոհությունն, և կա անձնազոհություն. մեկի մեջ շեշտվում է «Եսը», մյուսի մեջ՝ ալտրուիզմը: Շիրվանղաղեն, ասես, ինքն իրեն հակասելով, մի ճիշտ միտք է արտահայտում: Որոշ մարդիկ, նրա կարծիքով, անընդունակ են սիրո զգացմանը: Դրանք այն տկլոր էգոիստներն են, որոնց թվին պատկանում է նաև Զարիֆյանը (տես նույն տեղ, էջ 366): «Արսեն Դիմաքսյան» վեսլի մեջ Շիրվանղաղեն տալիս է բժիշկ Մալամբեկյանի դարթոնքը սիրո միջոցով, նրա խոսքի և զրույցի աշխուժությունը («Երկերը», Գ., 168): Նույն վերակենդանությունն ապրում է «Զուր հույսերի» մեջ Մաթենիկը, որ խոստովանում է. «Ահ, ինչպես փոխվել եմ ես, կարծես, խելքս թռել է գլխիցս... Ոչ, ես չեմ հավատում, չեմ հավատում, որ մի օր պետք է այս դրության հասնեմ» («Երկերը», Դ., 357): Արտասահմանում գրած իր որոշ երկերի մեջ Շիրվանղաղեն սիրո զգացականության հանդեպ դրեց սիրո միստիկականության որոշ տեսությունը՝ իմպրեսիոնիզմի աղղեցությամբ քարոզելով հոգիների նախապես իրար ընտրելու և ճակատագրապես իրար սիրելու գաղափարը: Այդ

աեսությաւնը նա արտահայտել է ճարտարապետ Հմայակի մի
ելույթի միջոցով (տես «Երկերը», Զ., 404):

Կյանքի սերն ևս դրել է Շիրվանզադեի հերոսների լեզվի և
ոճի վրա իր հատուկ կնիքը: Առհասարակ պետք է ասել, որ
կյանքի գեղեցկության զգացմունքը Շիրվանզադեի ոգևորության
մուսան է: Նրա ողջ ստեղծագործությունը, ասես, ուղղված
է շոպենհաուերյան պեսսիմիզմի դեմ, առանձնապես նրա այն
պնդումի դեմ, թե՝ կյանքը ոճիր է: Շիրվանզադեի համար կյան-
քը մեծագույն պարգևն է: Ոչ թե «հավերժ անծանոթն» (Զոլա)
է դա, այլ նրա խսկական մտերիմը, բարեկամը, սիրելին: Ինչ-
պես բնությունը, որի հետ նա ապրում է «հավերժ նյութափո-
խությամբ» (Մարքս), այնպես էլ հասարակությունը նրա հետա-
քրքրության ալֆան և օմեգան են: Մեկի և մյուսի հետ շփումը
նրան պարգևում է և ջերմություն, և թոփչք, որ արտահայտվում
է նաև նրա լեզվի և ոճի վրա: Ֆիրդուսին ունի այսպիսի մի
արտահայտություն. «Նրանով նա ուզում է ասել, որ ապրելու արվեստն էլ
տաղանդ է պահանջում. Շահյանների համար կյանքից մահի
հոտ է գալիս, որովհետև նրանք զուրկ են այդ արվեստից: Այս
վերջինին տիրեց Ֆառարա, երբ գլխի ընկավ, որ միայն նա է
արժանի ապրելու, ով որ կյանքը նվաճում է ամեն օր: Շիրվան-
զադեի մոտ կյանքի սերը և փոփոխությունների սերը ընթանում,
են գիրկընդիմառն: Երկուսն էլ պահանջում են կյանքի լարում,
աշխույժ, ներքին մասնակցություն իր շուրջը տեղի ունեցող
անցքերին: Շիրվանզադեն դարձյալ դեմ էր Շոպենհաուերի մի
այլ ըմբռնմանը. կամեցությունը որպես մեղսագործություն:
Ընդհակառակը, նա մեծագույն հանցանքը համարում է ձեռն-
պահությունը, կրավորականությունը, կյանքի միօրինակությու-
նը: Ոչ միայն կյանքի սերը, այլև փիլիսոփայական օպտիմիզմն
է նրա ստեղծագործության մուսան: Մխալվում է Շիրվանզադեի
կենսագիր Ա. Անտոնյանը, երբ նրա տխուր մանկությունից եղ-
րակացնում է կամ հետևյալն է հեղինակի իր թե պեսսիմիզ-
մը: «Մանուկը (Շիրվանզադեն), — գրում է Անտոնյանը, — որ
կապրեր այս պայմաններում մեջ, բնական է, չպիտի կրնար-
խուսափել անոնց հոգելլկիչ ազդեցութենեն: Ասով: մանա-
վանդ կարելի է բացատրել Շիրվանզադեի հոռետեսությունը
և կյանքը առավելապես իր մոայլ ու դառն արտահայտությանց.
մեջ ներկայացնելու նախասիրությունը, որ իր խառնվածքին».

ամենեն տիրական երանգներեն մեկը դարձած է» («Շիրվանզադեն և իր գործը», էջ 31): Այս պնդումը ճիշտ չէ ոչ տեսականութեն և ոչ փաստապես: Մաքսիմ Գորկին ավելի ևս «հոգելիքի աղջեցության» տակ է եղել, բայց հոռետես չէ դարձել և ասել է թե՝ այդպես է նաև ժողովուրդը, որ ծանր պայմաններում աղրում է և հուսահատ չի դառնում: Այնուհետև Շիրվանզադեի «Նախասիրությունը» ոչ թե կյանքի փակուղին է, այլ կյանքի հեռանկարները: Նույնիսկ «Կրակ» վիպակը, որ վերջանում է «կյանքի մոայլ և դառն արտահայտություններից» մեկը շեշտելով, այնուամենայնիվ ներբողում է բարոյական հաղթանակը, ուուրիշի երեխայի» համար Սանթուրյանի անձնազոհությունը, հումանիզմը: Կյանքի մոայլ խորշերի մեջ, այդպիսով, փայլում է արել: Անտոնյանի նման իր բոլոր քննադատներին Շիրվանզադեն պատասխանել է իր մեմուարների մեջ հետևյալ իմաստուն առղերով: «Ես էլ եմ եղել քեզ պես երեխա, ես էլ եմ ծաղիկ հասակում տեսել կյանքի ծամածությունները և շատ անգամ, բայց արհամարհել եմ: Ես կոխերտել եմ իմ ճամփի վրա քուսած օձերն ու կարիքները և հասել եմ այս տարիքիս, ճիշտ է, մի քիչ ջարդուաված, բայց ոչ հուսալքված: Տեսնում ես, արես արդեն թեքվել է դեպի իր մուտքը և դարձյալ ապրելու փափագը չի թուլացել իմ մեջ» («Երկերը», Է., 386): Հովհ. Թումանյանի քննադատներից մեկը՝ Փ. Վարդապարյանը բանաստեղծին «Թախիծի երգիչ» էր անվանել: Նա բողոքեց իր այդ քննադատի գեմ, գրելով հետևյալը: «Ճիշտ է, տխուր եմ, բայց հուսալքված չեմ»: Նույն բանն է ասում նույն Շիրվանզադեն: Երկու կլասիկներն էլ ավելի արդարացի են, քան իրենց խորիմաստ քննադատները: Շիրվանզադեն ոչ միայն հոռետես չէր, այլև նույն ճիշտ հիացմունքով է դիտել մարդու կոիվը բնության և հասարակական կյանքի հետամնացության դեմ: Գովելով արարներին, որ կովում են եվրոպական իմպերիալիզմի դեմ, նա հիանում է նույն արարներով, որոնք իրեն նավաստիներ կովում են առարերքի դեմ: «Երբեմն, —գրում է Շիրվանզադեն, —կատաղածծովը նրանց առջև բաց է անում մթին անդունդներ, ուր կարծես պիտի չքանան, բայց վայրկենական մի սուզում, և ահա նորեն ալիքների վրփիրադեղ բաշերի վրա են: Եվ լսում ես հեռվից անապատի մելամազձուտ երգերը և եիանում ես մարդ ետիք տոկությամբ՝ կյանքի պայքարում» (նույն տեղ, էջ 385): Դարձյալ իր մի ճամփորդական երկի մեջ («Պատերազմի վայրե-

ըից») Շիրվանղաղեն շեշտը դնում է իր կենսասիրական լավատեսության վրա, գրելով հետևյալը. «Ե՞նչ սքանչելի տեսարան. Օրգովի սառած կը քից դեպի վեր ձյունապատ լեռներ, դեպի վայր գույնղգույն դաշտեր»: Միթե մի այդպիսի պատկերի առաջ ամենաանբախտ հոգին անգամ կարող է գեթ մի քանի վայր-կյան չմոռանալ այս անիրավ կյանքի դառնությունները և վըշտերը, չզգալ, որ աշխարհը դարձյալ երապուրիչ է, չնայելով իր-անարդարություններին» («Երկերը», Ե., 383):

Աշխարհի մեծագույն հրապույրը Շիրվանղաղեն առանձնապես տեսնում է մանուկների մեջ, որոնց մասին խոսելիս, ասես, նա ինքն էլ մանուկ է դառնում և իր լեզվին ջերմություն հաղորդում: Իր մի զրույցի մեջ սովետական մանուկներին հիշելով, Շիրվանղաղեն ոգևորությամբ ասել է. «Հրճվում եմ, երբ նայում եմ մեր երեխաներին: Կլորիկ, սիրուն, լեցուն, անուշիկ ճուտիկներ են... Ուր գնում եմ, շուրջս անվերջ փոքրիկ երեխաներ են ճապտում... չէ, լավ է, շատ լավ է մեր երկրի ծննղարերության աճումը» (Ս. Մելիքսեթյան, «Թատերական ակնարկներ», Էջ 223): Իր «Վարդան Ահրումյան» վիպակի մեջ մի շարք երեխաների մասին խոսելով, Շիրվանղաղեն աշխատում է ամեն մեկին ներկայացնել իր բնորոշ ոճով և բնավորության յուրահատուկ գծերով: Լսելով ավաղակ Ղանիի պատմությունը, երեխաներից ամեն մեկը իր տարբեր մոտեցումն է ցույց տալիս, նայած խառնվածքին և դաստիարակությանը: Երբ Մկիչը լսում է, որ Ղանին թալանել է քարավանը, ասում է. «Բաս քարվանում մի հատ տղամարդ էլ չի լինում»: Մարտիրոսը մտածում է մկնղեղով ծածուկ թունավորել Ղանիին, իսկ Վարդանը երազում է նրա կողոպտած հարստության մասին. «Դոնե մի տոպրակը իմ ձեռքը ընկներ» («Երկերը», Ա., 107): Մկիչի նման հերոսական երեխա է նաև սպա Լևոն Մաքայանի որդին, որ ոգեստությամբ հետեւում է հոր կովին, ասելով. «Օ, իմ պապան քաջ է, ոչ ոքից չի վախենա: Նա այդ գերմանացիների գլուխները կկտրե իր թրով» (նույն տեղ, Էջ 179): Մեր գրականության մեջ տարիքուա մենավոր բանարկյալի վիճակի նկարագրություն շատ ունինք, բայց մանուկ կալանավոր—չունինք: Այդպիսի մեկին նկարագրել է Շիրվանղաղեն «Չար ոգուա մեջ հանձին Սոնայի, որ «թերը կտրած թռչունի պես» չէր համարձակվում նույնիսկ զեպի փողոց նայել, ուր մնաց թե աւանից դուրս գալ: «Այնաեղ աքաղաղները կովում էին, հավերը կչկչում, ծաերը ծլվում: Նա

երանի էր տալիս այդ թռչունների ազատությանը՝ (նույն տեղ,
էջ 201); Նախքան բանտարկվելը Սոնան խաղում էր իր ընկեր-
ների հետ: «Չար ոգի» դրամայի մեջ Շիրվանզադեն տալիս է
մանկական խաղի մի կլասիկական նկարագիր, ուր փայլում է
նրա ոճական տաղանդը, մանկական լեզվի ալիտերացիան.

Խաչիկ.—Բա ի՞նչ խաղանք, ի՞նչ խաղանք:

Զառիկ.—Հա, գեղուիլիկ, գեղուիլիկ:

Խաչիկ.—Հա, մվ գեղվի, մվ գեղվի:

Մանան.—Ես կգեղվեմ:

Զառիկ.—Չէ՛, ես կգեղվեմ. ես, ես:

Մանան.—Դու կաղլիկ ես, դու չես կարող: Ես կգեղվեմ,
ես, ես:

Զառիկ.—Դու հաստլիկ ես, դու չես կարող: Ես կգեղվեմ,
ես, ես («Երկերը», Ե., 295):

Ինչպես տեսնում ենք, մանուկի մասին խոսող Շիրվանզա-
դեն ինքը դառնում է մի մանուկ և սրան պատկերացնում ներ-
քուստ, նրա սեփական տեսանկյունից: Ինքը մանուկն է, որ իր
մանկական մտքերն ու զգացմունքներն է արտահայտում: Դա
իսկական ոեալիզմ է: Ինչպես Թումանյանը «Գիքորի» մեջ, այն-
պես էլ Շիրվանզադեն մանուկների զրույցի մեջ զգալ է տալիս
նրանց հատուկ արտասանությունը:

«Սիրո՞ւմ ես ինձ, Սերժ, —հարցնում է Լիդիան:

Սիյում եմ, մամա, սիյում եմ»:

Արտասանության հետ միասին, ամեն մի մանուկի ձըգ-
տումը—մեծ երեալ. «Պապա, —ասում է նույն Սերժը, —շուտով
ես էլ քեզ պես բեղեք կունենամ» («Երկերը», Գ., 323):

Իր մանուկների շրջապատում հաճախ մայրն էլ մանուկ է
դառնում: Բարաթյանը դավաճանում է իր կնոջը: Գայիանեի
միակ մխիթարությունը դառնում է իր զավակը: «Ամբողջ օրը,—
գրում է Շիրվանզադեն, —նա չէր հեռանում նորածնի օրորա-
նից: Համբուրում էր նրան քնքշաբար, խոսում էր նրա հետ,
հարցեր էր տալիս և ինքը նրա փոխարեն պատասխանում: Նրա
աշխարհն այժմ ամփոփված էր այդ փոքրիկ արարածի մեջ»
(նույն տեղ, էջ 126): Մանը է երեխաների վիճակը, երբ նրանք
գիտակցում են ընտանեկան դրաման, իրենց հոր ու մոր գժտու-
թյունը և տանջվում են, գուշակելով թե մվ է նրանցից ար-
դարն ու մեղավորը: Այդպես են Բախտամյանների զավակները—

Հիղոչկան և Էլեչիլան (նույն տեղ, էջ 188): Շիրվանզադեն միշտ էլ ապահարդանի կողմնակից է եղել: Նրա փաստարկութիւններից մեկն էլ այն է, որ երեխաները փչանում են, լսելով ծնողների անվերջ վեճերը: Մանուկների սեռական աննախապաշարության մի հոյակապ նկարագիր է տվել Շիրվանզադեն «Նամուսի» մեջ: Պատմելով երկրաշարժի մասին, հեղինակն ասում է, որ Սեյրանն ու Սուսանը կիսաթաղ վիճակում մնում են հողի տակ: Առիթից օգտվելով Սեյրանը համբուրում է Սուսանին և ապա այդ մասին պատմում թե իր և թե Սուսանի ծնողներին:

— Ումին պաչեցիր, — հարցնում է հայրը:

— Սուսանին:

— Սուտ, սուտ, սուտ է ասում, նա ինձ չի պաչել, — մեջ ժոտավ Սուսանը...

— Դու ես սուտ ասում, պաչել եմ, միտդ չէ («Երկերը», Դ., 23):

Ոչ միայն սեռական աննախապաշարությունը, այլև «ընտանեկան գաղտնիքը» բաց անելու միամտությունը նկատել է Շիրվանզադեն մանուկների մոտ, որոնք հաճախ ավելի հումանիստ են, քան իրենց ծնողները: Այդպես են Սատափյանների մանուկները Մարիամի հանդեպ «Զուր հույսերում» (նույն տեղ, էջ 232): Ընտանեկան դրամայի ժամանակ հաճախ մանուկները գործիք են դառնում ծնողների ձեռքին՝ միմյանցից վրեժ լուծելու համար: Այդ ժամանակ, իրոք, աղավաղվում է նրանց մանկական հոգեբանությունը, քար քարի վրա չի մնում այսպես կոչված «ընտանեկան դաստիարակության» մեջ: Ճարտարապետ Հմայակի որդին հորը հարց է տալիս. «Հայրիկ, քո անունը լի՞րը է» («Երկերը», Զ., 437):

Շիրվանզադեի ոճական արվեստի նվաճութիւններից մեկն էլ ստիլիզացիայի վարպետությունն է: Մեր գեղարվեստական գրականության միջ այդ իմաստով երեք նամակ մըցում են միմյանց հետ: Առաջինը՝ Համբոյի նամակը Գիքորին (Թումանյան), երկրորդը՝ Մարտիկ Էֆենդու նամակը իր եղբորը գրած (Օտյան) և վերջապես, երրորդը՝ աքսորականի նամակը իր մորը, Սիրիսից գրած (Շիրվանզադե): Վերջին նամակը սկսվում է այսպես. «Էստեղ մի մարդ կա քարփուչի զավոդ ունի. աղաչեցի, պաղամեցի, վայնաչար տեղ տվավ ինձ, ինչու որ ինքն էլ առաջ կատորժնիկ է եղել: Հիմա, զոհություն արարիչ աստծուն, ես պրիկաշչիկ եմ զավոդում, գլուխս մի կերպ պահում եմ, եթե ինձանից հարց-

նես, ողջ, առողջ եմ, սիրելի ծնող, շատ էլ ֆիքր մի անիբ» (Շիրվանզադե, «Ընտիր երկեր», էջ 110): Ամբողջ նամակը գրական գլուխ-գործոց է. բնորոշ է վերջաբանը. «Սիրելի մայր, Մեխակին, Թագուհուն, Սեյրանին և այլ բարեկամաց ու հարցնողաց շատ, շատ բարեւ: Հավիտյանս հավիտենից ամեն: Մնաժքեղ կարոտ, հարազատ որդի, սիրիրնիկ՝ Գրիգոր Խանզադյանց: Նույնպես և գրական ստիլիզացիայի հաջող օրինակ է եպիսկոպոսի ճառը, որ նա արտասանում է հոգեբարձական ժողովում: Այդ ճառն սկսվում է այսպես. «Հրամանոցդ հայտ է, որ մեր գպրոցները գտանին ի ներքո հովանավորության Հայաստանյաց առաքելական եկեղեցվու և նորին վեհափառության տյառն տյառն սրբազնագույն կաթողիկոսին ամենայն հայոց» («Երկերը», Գ., 120): Ամբողջ ճառը—մի ունիկում է, և ցույց է տալիս Շիրվանզադեի կարողությունը թափանցելու տարբեր խավերի, տարբեր կուլտուրական շերտերի հոգեբանության մեջ և ամենքին խոսնցնելու, ինչպես հարկն է:

Ամփոփենք: Շիրվանզադեն, ինչպես և Բելինսկին, իրարից տարբերել է լեզուն և ոճը: Անշնորհք Ավալյանի լեզվական կուլտուրան քննադատելով՝ նա գրում է. «կարող եմ ասել, որ դու իսկի ոճ էլ չունիս. գիտես բառերը քիչ թե շատ քերականորեն դասավորել (լեզու. Ա. Տ.) և ուրիշ ոչինչ, այդ է քո ամբողջ ունակությունը: Չորս գրքույկներդ իրարու վրա կարդացի և ոչ մի սրամիտ դարձված կամ գեղեցիկ համեմատություն (ոճ. Ա. Տ.) չգտա, ողորմելի, և գու քեղ երևակայում ես բանաստեղծ, վիպասան, դրամատուրգ և չգիտեմ էլ ինչ» («Երկերը», Ե., 101): Վուլգար ժուռնալիստին, գրչավաճառ լրագրախոսին և նրա պրոֆեսիոնալ մոտեցումը ծաղրելով («Քառոսի» մեջ), Շիրվանզադեն խարանում է գրողի հասարակական ինդեֆերենտիզմը, այն համոզումը, թե զրականությունը աճուրդի սեղան է, ուսկից պոռում են. «Ո՞վ է շատ տալիս: Ոճ ունենալ՝ նշանակում է տաղանդ ունենալ: Իսկ տաղանդը—ինքնին կողմնակցություն է և ոչ թե տկլոր օքեկտիվիզմ»: Շիրվանզադեն իրու գրողի տիպ—սառն գրող չէ. նա հասարակական մարտին մասնակցում է նաև իր լեզվական կուլտուրայով, իր երգիծանքով, իր թևավոր խոսքերով: Նա, կարելի է ասել, տվել է ոճի տեսություն: Ապրում են միայն ոճավոր գրվածքները, որոնց մեջ փայլում է ոչ միայն հեղինակի տաղանդը, այլև նրա կենսափորձը, հանրային գեմքը և հասարակական հետանկարները: Շիրվանզադեի կար-

ծիքով՝ ոճը պետք է լինի կենդանի և մտածված, որովհետև ոճը
գրվածքի ռուժ և հյութ տվող զարդն է»: Հեղինակի ոճից է
կախված նրա ստեղծագործության բախտը. «կենդանի, սահուն,
մտածված և ուժեղ ոճով գրվածքը կարդացվում է անհամեմատ
ավելի հետաքրքրությամբ և սիրով, քան թե տգեղ, անտաշ և
բարբարոսական ոճով գրվածքը»: Շիրվանզադեն, Հակոբ Պարոն-
յանի նման, ծաղրել է Աղջային ժողովի նիստերում արտասան-
ված այն սնամեջ ճառերը, որոնք արտաքուստ սփյուն ու փայ-
լուն են, բայց ներքուստ անբովանդակած: Նա, ինչպիս և Պարոն-
յանը, հավանում են այն ճառերը, որոնք արտաքուստ համեստ
են և անպաճույն, բայց «ներքին իմաստով հարուստ են»: Խո-
սելով իր հարգած ատենախոսներից մեկի մասին, Շիրվանզադեն
շեշտում է նրա ոճի առավելությունները. «Նա չի աշխատում
իր խոսքի արտաքին շուքով փոշի փշել լսողների աչքին, չի
ընկնում փայլուն խոսքերի ետևից, Միտքն է, որ ազդում է
ամենի վրա և այդ մտքի զորեղության հետ զուգընթացաբար
արտահայտվող անկեղծությունը»: Մտքի և անկեղծության հետ
միասին Շիրվանզադեն հաշվի է առնում նաև գրական կուլտու-
րան, խոսքի գիտությունը, տեխնիկական ուսումնառությունը:
Ուշադիր ընթերցողը նրա ստեղծագործության մեջ կնկատի հե-
ղինակի խոհուն վերաբերմունքը դեպի պրոդայի և պոեզիայի
տեսությունը: Նույնիսկ իր գրական երախայրիքի մեջ երեսում է
հեղինակի շրջանայաց ուսումնառությունը: Օրինակ. ասացողնե-
րի արվեստը, ժողովրդական պատմիչների, աշուղների խոսքի և
զրույցի ձևերը Շիրվանզադեն հատկապես ուսումնասիրել է և
իր գրվածքների մեջ հմտությամբ օգտագործել է: Բայց, հար-
կավորը, ամենակարևորը մարդու գիտությունն է, այն մարդա-
գիտությունը, որ արվեստի մեխն է և որի պակասությունը չի
կարող լրացնել և ոչ մի գրական կամ տեխնիկական ուսումնա-
ռություն: Շեքսափիրի «Համլետի» մեջ մի այսպիսի զրույց կա-
այն ժամանակ, երբ Հորացիոսը գովաւմ է Համլետի սպանված
հորը, ասելով թե «Ի՞նչ թագավոր էր», Համլետը նրա խոսքն
ուզգում է, նկատելով. «Մարդ էր, Հորացիոս, մարդ իր ամեն
բանով»: Տիպերի լեզուն և ոճը ունալիստորեն տալու համար
Շիրվանզադեն աշխատել է ամեն մեկի մեջ որսալ մարդը ինչ-
պես որ է...

